

03/10/2001

Ratib 1,000 Syair

GABUNGAN Persatuan Penulis Nasional Malaysia (GAPENA) sedang menghubungi Perdana Menteri, Datuk Seri Dr Mahathir Mohamad, untuk mendeklamasikan sajak yang ke-1,000 pada majlis Ratib 1,000 Syair pada 3 November depan.

Kehadiran Perdana Menteri sudah pasti akan menyemarak lagi acara yang akan tercatat dalam `Buku Rekod Dunia' yang sebelum ini belum pernah ada pihak yang menganjurkan acara baca 1,000 puisi secara berterusan.

Setiausaha Ratib, Abdul Aziz Mohd Ali, berkata sehingga kini lebih 800 puisi sudah dikumpul dan kini sedang disunting oleh Razali Mohd Yussof dan Borhan Md Zain.

Ratib 1,000 Syair ialah pengucapan 1,000 puisi secara berterusan lebih 24 jam membabitkan 250 deklamator adalah penyair, penulis, artis, pemimpin negara dan ahli korporat.

"Persembahkan puisi bebas dan setiap peserta diberi kelonggaran menyampaikan dalam apa jua bentuk dan gaya tersendiri," kata Aziz yang juga Pegawai Khas Gapena.

(END)